

I. DISPOSICIÓNS XERAIS

CONSELLERÍA DE PRESIDENCIA, ADMINISTRACIÓNS PÚBLICAS E XUSTIZA

Orde do 14 de marzo de 2011 pola que se incorporan nove novos procedementos ao Rexistro Electrónico da Xunta de Galicia, regulado polo Decreto 164/2005, do 16 de xuño.

O Decreto 164/2005, do 16 de xuño, crea o Rexistro Telemático da Xunta de Galicia, que permite a presentación por vía telemática de solicitudes, escritos e comunicacións. Esta orde inclúe no anexo VII do Decreto 164/2005, do 16 de xuño, un novo procedemento, co fin de continuar impulsando o emprego de técnicas e medios electrónicos, informáticos e telemáticos no desenvolvemento da actividade da Xunta de Galicia e no exercicio das súas competencias.

De conformidade co disposto no artigo 2º.2 e a disposición adicional primeira b) e derradeira primeira do Decreto 164/2005, do 16 de xuño, polo que se regulan e determinan as oficinas de rexistro propias ou concertadas da Administración da Comunidade Autónoma de Galicia, créase o Rexistro Telemático da Xunta de Galicia e regúlase a atención ao cidadán.

En virtude da disposición derradeira segunda do Decreto 198/2010, do 2 de decembro, polo que se regula o desenvolvemento da Administración electrónica na Xunta de Galicia e nas entidades dela dependentes, desde a entrada en vigor deste decreto o Rexistro Telemático da Xunta de Galicia cambiará a súa denominación pola de Rexistro Electrónico da Xunta de Galicia

DISPOÑO:

Artigo único

1. Inclúese no anexo VII do Decreto 164/2005, do 16 de xuño, procedementos para os que está habilitado o Rexistro Telemático da Xunta de Galicia, e queda pois, habilitado cos efectos previstos no seu artigo 5º.1, os seguintes procedementos:

CT984D.-Declaración responsable de inicio de actividade de establecementos hoteleiros e solicitude de clasificación.

CT984E.-Declaración responsable de inicio de actividade de establecementos de turismo rural e solicitude de clasificación.

CT984F.-Declaración responsable de inicio de actividade de apartamentos turísticos.

CT984Z.-Declaración responsable de inicio de actividade de vivendas turísticas.

CT984B.-Declaración responsable de inicio de actividade de restaurantes ou cafetaría e solicitude de clasificación.

CT984V.-Declaración responsable de inicio de actividade de establecementos de restauración denominados furanchos e solicitude de clasificación.

CT984A.-Declaración responsable de inicio de actividade de axencias de viaxe e solicitude de clasificación.

CT996B.-Declaración responsable de inicio de modificacións ou reformas substanciais que afecten as condicións dos establecementos turísticos.

CT996A.-Comunicación de baixa ou cambios que non afectan a clasificación turística.

2. O procedemento para a tramitación electrónica estará dispoñible no enderezo <http://www.xunta.es/presentacion-electronica-da-xunta-de-galicia>

Disposición derradeira

Única.-Esta orde entrará en vigor o mesmo día da súa publicación no *Diario Oficial de Galicia*.

Santiago de Compostela, 14 de marzo de 2011.

Alfonso Rueda Valenzuela

Conselleiro de Presidencia, Administracións
Públicas e Xustiza

II. AUTORIDADES E PERSOAL

b) NOMEAMENTOS

CONSELLERÍA DE EDUCACIÓN E ORDENACIÓN UNIVERSITARIA

Decreto 43/2011, do 10 de marzo, polo que se dispón o nomeamento de Antón Costa Rico como membro do Consello Escolar de Galicia.

O artigo 6º da Lei 3/1986, do 18 de decembro, de consellos escolares de Galicia, o artigo 7º do Decreto 44/1988, do 11 de febreiro, polo que se desenvolve a dita lei, e o artigo 14º do Decreto 87/1992, do 26 de marzo, polo que se aproba o Regulamento do réxime interno do Consello Escolar de Galicia, establecen que se ten que proceder á renovación por metades dos conselleiros de cada un dos grupos que integran o Consello.

Con data do 18 de febreiro de 2011 publicouse no *Diario Oficial de Galicia* o Decreto 16/2011, do 10 de febreiro, no que se procedeu á renovación dos membros do Consello Escolar de Galicia que foron designados como representantes das entidades enumeradas no artigo 4º.1 da Lei 3/1986, do 18 de decembro, de consellos escolares de Galicia, e nos termos que establecen o artigo 7º do Decreto 44/1988, do 11 de febreiro, polo que se regulan o